



Protection visa

Yumi toktok stret long saed blong ol **Protection visas**

Wan Protection visa (subclass 866) hemi blong ol stret asylum seekers we oli stap long denja o fesem rabis tritmen long hom kantri blong olgeta.

Gavman blong Ostrelia hemi stap givim fri ligol advaes long olgeta we oli stap tingting blong aplae long wan Protection visa. Advaes ia bae i save helpem olgeta we oli tingting blong aplae blong faenemaot sapos oli mitim ol rul blong aplae, mo blong katem daon risk blong ol pipol i no yusum wan migresen advaes we i no rejista mo i save givim advaes we i no stret.

Infomesen pepa ia hemi givim ol infomesen we oli nidim mo impoten infomesen long olgeta we oli stap tingting blong aplae blong wan Protection visa.

Wanem nao hemi tru?



Ol Protection visas oli blong ol **stret asylum seekers**. Oli no blong olgeta we oli wantem stap longtaem nomo long Ostrelia blong wok.



Sapos olgeta we oli aplae i givim fols infomesen insaed long aplikesen blong wan Protection visa, bae oli save go long kalabus o fesem ol bigfala faen.



Sapos oli no akseptem Protection visa aplikesen blong yu, bae hemi save had blong yu wetem famli blong yu oli kam bak bakeken long Ostrelia.



Reit blong Protection Visa we oli no akseptem i **bitim 85%**



Ol pipol blong Pasifik mo Timor Leste nao oli gat hae reit blong ol aplikesen blong Protection visa we oli no akseptem. Long fulap blong ol kantri ia, klosap 90% blong ol aplikesen we oli prosesem long 2023-24 **i no bin mitim ol rul mo oli no akseptem.**



No letem eniwan i aplae from wan Protection visa blong yu sapos yu no andastanem wanem yu stap aplae from mo wanem infomesen oli stap givim insaed long aplikesen



Yu mas mekem sua se everi infomesen insae long aplikesen blong yu hemi tru, iven sapos wan narafala man/woman i komplitim blong yu

Kwalifae

Ol Proteksen visa ia oli blong olgeta (o ol memba blong famli blong olgeta) we oli stap long denja sapos oli go bak long hom o oli stap fraet long rabis tritmen from:

- kala blong skin blong olgeta
- rilijen
- nasonaliti
- oli memba blong wan sosel grup o
- van politikal tingting

Kiaman infomesen

I gat fulap kiaman infomesen abaot ol Protection visas we oli stap givimaot long ol pipol we oli liv long Ostrelia mo ovasi, mo hemi save **mekem bigfala trabol** blong olgeta we oli aplae blong Protection visa mo famli blong olgeta. Ol Protection visas oli blong ol stret asylum seekers. Hemi no blong olgeta we oli wantem stap longtaem nomo long Ostrelia blong wok.

Fulap long ol niufala aplikesen blong Proteksen visa oli save mekem desisen hariap, **klosap 8 taem spid bitim** ol yia we i pas.

Taem yu stap givim fols o kiaman infomesen

Hemi impoten blong andastanem se sapos yu givim ol fols dokumen o fols o kiaman infomesen long wan aplikesen blong wan Protection visa, yu save fesem wan bigfala faen mo kasem 10 yia long kalabus.

Sapos oli no akseptem wan Protection visa blong yu

Sapos oli no akseptem Protection visa aplikesen blong yu mo yu no gat wan stret visa we i laef, **bae yu mas go aot long Ostrelia**. Sapos yu no gat wan stret visa we i laef, bae olgeta long Australian Border Force (**Ostrelia Boda Fos**) oli save **holem mo muvumaot** yu long Ostrelia.



Protection visa

Yumi toktok stret long saed blong ol Protection visas

Lukim [fri ligol advaes](#) fastaem long ol ligol provaeda speselis we oli wok long saed blong refuji mo imigresen loa bifo yu aplae blong wan Protection visa.



Ol samting blong tingbaot

- Kasem [fri ligol advaes](#) long ol ligol provaeda **speselis we oli wok long saed blong refuji mo imigresen** loa long stet o teritri blong yu.
- Yu save go long homeaffairs.gov.au/protection blong faenemaot moa infomesen long ol Protection visas.
- Lukaotem wan **migresen ejen we hemi rejista** blong mekem sua se imigresen advaes we yu karem hemi folem loa - go long: [Ofis blong Migresen Ejen Rejistresen Otoriti \(OMARA\)](#)
- Protektem yuwan mo komuniti blong yu. **Ripotem eni migresen advaes we oli no rejista** i go long [Australia's Border Watch](#) (Boda Waj blong Ostrelia). Yu no nid blong talemaot nem blong yu long ripot.
- Faenemaot sapos i gat **ol narafala kaen visa** we i stret long situesen blong yu - go long [Visa Finder pei](#) long websaet blong Home Affairs

Wanem bae yu fesem sapos oli no akseptem aplikesen blong yu

Wan aplikesen blong Protection visa we oli no akseptem long Ostrelia bae hemi stap long imigresen rekod blong yu mo bae hemi save mekem i had blong yu wetem ol famli blong yu oli kambak long Ostrelia long fiuja. Mo tu, bae i save spolem ol visa aplikesen blong narafala kantri, be i dipen long wanem kaen visa yu stap aplae from. Bae yu nomo save aplae from ol narafala visa taem yu stap iet long Ostrelia.

Ol migresen ejen

Ol migresen ejen oli mas rejista wetem [Ofis blong Migresen Ejen Rejistresen Otoriti \(OMARA\)](#). Yu save visitim websaet blong **jekem sapos wan ejen hemi rejista**.

Hemi **akensem loa** sapos wan man o woman i jajem fi blong givim migresen advaes sapos hemi no rjista olsem wan migresen ejen o wan ligol praktisona blong Ostrelia. Sapos yu pem blong karem advaes ia long olgeta migresen ejen o wan ligol praktisona blong Ostrelia we oli no rejista, bae i save lukim yu mekem desisen we i no stret mo **spolem janis blong yu stap** long Ostrelia.

Ol migresen advaes we oli no rejista oli stap salem ol sevis blong olgeta long sosel media mo long ol onlaen chat grup. Samfala taem oli save talem long ol pipol we oli stap aplae blong givim ol fols o kiaman infomesen o blong givim ol fols dokumen taem olgeta i stap aplae blong wan Protection visa, mo **samfala oli jajem fulap mane** blong advaes ya we hemi no stret.

Sapos wan man/woman hemi traem blong givim wan imigresen advaes we i brekem loa, yu save talemaot long mifala taem yu yusum [Border Watch Online Report](#) (Boda waj Onlaen Ripot). Yu no nid blong givimaot nem blong yu.

Rol blong ol komuniti

Ol komuniti we oli stap long Ostrelia oli gat wan impoten rol blong **stopem ol kiaman toktok blong go raon** long olgeta we oli wantem aplae from wan Protection visa olsem blong talemaot stret long olgeta se **Protection visa hemi no wan visa blong wok**.

Ol komuniti i save help blong talemaot **ol risk blong givim fols o kiaman infomesen** long wan aplikesen blong wan Protection visa mo go tru long wan migresen advaes we oli no rejista.

Sapos wan man/woman we i stap aplae from wan Proteksen visa mo hemi askem yu blong raetem wan sapot leta blong hem, yu sud mekem nomo sapos yu bilif se hem hemi wan stret **asylum seeker** we stap fesem denja or janis blong gat rabis tritmen sapos oli go bak hom.

Enkarajem olgeta blong faenem [fri ligol advaes](#) long ol ligol provaeda speselis we oli wok long saed blong refuji mo imigresen loa long stet o teritri blong olgeta.



Visitim homeaffairs.gov.au/protection blong faenem moa infomesen.

Australian Government